



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

VI. Papst Alexander IV. nimmt das Marien-Magdalenen-Kloster zu Prenzlau in seinen Schutz und macht demselben verschiedene Zugeständnisse, am 27. November 1256.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

VI. Paps Alexander IV. nimmt das Marien-Magdalenen-Kloster zu Prenzlau in seinen Schutz und macht demselben verschiedene Zugeständnisse, am 27. November 1256.

Alexander Episcopus, Seruus seruorum dei, dilectis in Christo filiabus Priorisse Monasterij sancte Marie Magdalene in Prinslaune, ejusque sororibus, tam presentibus, quam futuris, regularem uitam professis salutem etc. Religiosam uitam eligentibus Apostolicum conuenit adesse presidium, ne forte cuiuslibet temeritatis incussus, aut eas a proposito reuocet, aut robur, quod absit, sancte religionis eneruet. Eapropter, dilecte in Domino filie, uestris iustis postulationibus clementer annuimus, et Monasterium beate Marie Magdalene, in Prinzlawe Caminensis Dioceseos, in quo diuino estis obsequio mancipate, sub Beati Petri et nostra protectione fuscipimus et presentis scripti Priuilegio communitus. Inprimis siquidem statuimus, ut ordo Canonicus, qui secundum Deum et beati Augustini regulam in eodem Monasterio institutus esse dinoscitur, perpetuis ibidem temporibus inuiolabiliter obseruetur. Preterea, quascunque possessiones, quęcunque bona idem Monasterium in presentiarum iuste ac canonicę possidet, aut in futurum concessione Pontificum, largitione regum uel principum, oblatione fidelium seu aliis iustis modis prestante Domino poterit adipisci, firma uobis et eis, quę uobis successerint, et illibata permaneant. In quibus hec propriis duximus exprimenda uocabulis. Locum ipsum, in quo prefatum monasterium situm est, cum omnibus pertinentiis Suis, Ecclesiam beate Marie Virginis cum sancti Jacobi, sancti Nicolai et sancti Sabini ecclesiis dependentibus ab eadem, et omnibus pertinentiis Suis, quas habetis in villa, que uulgariter dicitur Prinslawe, septem Manfos cum pertinentiis eorundem et Allodium unum, quod habetis ibidem. Jus patronatus, quod in dicta Ecclesia beate Marie Virginis obtinetis. Curtes, quas habetis in loco, qui noua Ciuitas nominatur, manfos sex et duas Curtes in villa, Schenkenbere uulgariter nuncupata, cum omnibus pertinentiis eorundem. Manfos sex et Curtes decem in villa, que dicitur Gyrswalde cum omnibus pertinentiis eorundem, cum terris, pratis, uineis, nemoribus, usuagiis et pascuis in bosco et plano, in Aquis et molendinis in uis et semitis et omnibus aliis libertatibus et immunitatibus suis. Sane noualium uestrorum que propriis sumptibus colitis, de quibus aliquis hactenus non percepit, siue de uestrorum animalium nutrimentis nullus a uobis decimas exigere uel extorquere presumat. Liceat quoque uobis personas liberas et absolutas a seculo fugientes ad conuersionem recipere, et eas absque contradictione aliqua retinere. Prohibemus insuper, ut nulli sororum uestrarum post factam in Monasterio uestro professionem fas sit sine priorisse ejus licentia de eodem loco, nisi artioris religionis optentu, discedere, discedentem uero absque communium literarum uestrarum cautione nullus audeat retinere. Cum autem generale interdictum terre fuerit, liceat uobis clausis ianuis, exclusis excommunicatis et interdictis non pulsatis Campanis suppressa uoce diuina officia celebrare, dummodo causam non dederitis interdicto. Crisma uero, oleum sanctum, consecrationes altarium seu Basilicarum, benedictiones Canonicarum a Diocesano fuscipietis Episcopo siquidem Catholicus fuerit et gratiam et communionem sacrosancte Romane sedis habuerit, et ea uobis uoluerit sine prauitate aliqua exhibere. Prohibemus insuper, ut infra fines parochie uestre nullus sine assensu diocesani episcopi et uestro Capellam seu oratorium de nouo construere audeat saluis priuilegiis Pontificum Romanorum. Ad hec nouas et indebitas exactiones ab Archiepiscopis, Episcopis, Archidiaconis seu Decanis aliisque omnibus Ecclesiasticis secularibusque personis a uobis omnino fieri prohibemus. Sepulturam quoque eius loci liberam esse decernimus, ut eorum deuotioni et extreme uoluntati, qui se illic sepeliri deliberauerunt, nisi forte excommunicati uel interdicti sunt

aut etiam publici vsurarii, nullus obstat, salvo tamen iustitia illarum ecclesiarum, a quibus mortuorum corpora assumuntur. Decimas preterea et possessiones ad ius ecclesiarum uestrarum spectantes que a laicis detinentur, redimendi et legitime liberandi de manibus eorum, et ad ecclesias, ad quas pertinent, reuocandi libera sit uobis de nostra auctoritate facultas. Obeunte uero te nunc eiusdem loci priorissa uel earum aliqua, que tibi successerit, nulla ibi qualibet subreptionis astutia seu uolentia preponatur, nisi eam sorores communi consensu uel earum maior pars consilii Sanioris secundum Deum et beati Augustini regulam prouiderint eligendam. Paci quoque et tranquillitati uestre paterna in posterum sollicitudine prouidere uolentes auctoritate apostolica prohibemus, ut intra claustras locorum seu grangiarum uestrarum nullus rapturam seu furtum facere, ignem apponere, sanguinem fundere, hominem temere capere uel interficere seu uolentiam audeat exercere. Preterea omnes libertates et immunitates a Predecessoribus nostris Romanis Pontificibus Monasterio uestro concessas nec non libertates et exemptiones secularium exactionum a Regibus et Principibus uel aliis Christi fidelibus rationabiliter uobis indultas auctoritate apostolica confirmamus et presentis scripti priuilegio communimus. Decernimus ergo, ut nulli omnino hominum liceat prefatum monasterium temere perturbare, aut eius possessiones auferre, uel ablatas retinere, minuere seu quibuslibet uexationibus fatigare, sed omnia integra conferuentur earum, pro quarum gubernatione ac sustentatione concessa sunt usibus omnimodis profutura. Salua sedis apostolice auctoritate et Diocesani Episcopi Canonica iustitia. Si qua igitur in futurum ecclesiastica secularisque persona hanc nostre constitutionis paginam sciens contra eam temere uenire temptauerit, secundo tertioque commonita, nisi reatum suum congrua satisfactione, correxerit potestatis honorisque sui careat dignitate, reamque se diuino iudicio existeri de perpetrata iniquitate cognoscat, et a sacratissimo corpore, et a sanguine Dei et Domini redemptoris nostri Jesu Christi alienus fiat etiam in extremo examine districte subiaceat ultioni. Cunctis autem eidem loco sua iura seruantibus sit pax Domini nostri Jesu Christi quatenus hic fructum bone actionis percipiant, et apud districtum iudicem premium eterne pacis inueniant. Amen Amen.

Ego Alexander Catholice ecclesie Episcopus.

Ego Frater Johannes
Eccles. St. Laurentii in lucina
presbiter Cardinalis.

Ego Odo
Tusulanus Episcopus.
Ego Stephanus
Prenestinus Episcopus.

Ego Riccardus
Sti. Angeli Diaconus
Cardinalis.

Ego Frater Hugo
Eccles. St. Sabine presbiter
Cardinalis.

Ego Octauianus
Ste. Marie in via lata
Diaconus Cardinalis.

Ego Petrus
Sti. Georgii ad Velum
aureum Diaconus Cardinalis.

Datum Laterani per Manum Guillelmi Magistri Sclorum Parmensis, Ste. Romane ecclesie Vicecancellarii, tertio Nonarum Maji, Indictione XIV., Incarnationis dominice M. CC. LVI. Pontificatus uero Domini Alexandri Pape IV. anno secundo.

Nach Beckmann's Abschrift des Originals.